

77 110-

1614

q. 2880

ARTICLE ET
CONVENTIONS
ARRESTEES EN
ESPAGNE LE MECRE-
dy 20. d'Aoust 1612.

Par Monsieur le Duc de Mayenne, assisté de Mon-
sieur de Puisieux, & Monsieur de Vaucelas,
avec le sieur Duc de Lerme:

8

Sur le Mariage du Roy LOVYs XIII. avec l'Infan-
te, Dame ANNE, Princesse d'Espagne.

M. DC. XIV.

THE

CONSTITUTION

OF THE

UNITED STATES

OF AMERICA

AS

ADOPTED

SEPTEMBER 17, 1787

BY THE CONVENTION

ASSEMBLED AT PHILADELPHIA

IN CONFORMANCE

OF THE DECLARATION

OF INDEPENDENCE

AND THE ACTS

OF THE CONGRESS

OF THE UNITED STATES

IN SENATE

AND HOUSE OF REPRESENTATIVES

OF THE UNITED STATES

OF AMERICA



*Articles & Conuentions , arrestees en Espagne, par
Monsieur le Duc de Mayenne, assisté de Monsieur
de Puisieux & Monsieur de Vaucelas: avec le
sieur Duc de Lorme: Sur le mariage du Roy
LOVYS XIII. avec l'Infante , Dame
Anne, Princeesse d'Espagne.*



V Nom de la Saincte Tri-
nité du Pere, du Fils & du
benoist S. Eprit : trois per-
sonnes en vn seul, & vray
Dieu, pour sa gloire & ser-
uice, & pour l'aduancemēt
de ses Royaumes. Soit notoire à tous ceux
qui verrōt ceste presente escriture & instru-
ment, contenant l'accord & traicté de
Mariage qui s'ensuit : Comme ainsi soit,
qu'en la ville de Madril & en la Cour de
sa Majesté Catholique, en son Palais Royal,
le Mecredy 20. d'Aoust, de l'an 1612. en la
presence d'Illustrissime Don Anthoine
Cayetan Archeuesque de Capoue, Legat

à la terre de nostre saint Pere Paul V. son Nonce Apostolique en ses Royaumes au nom de sadite Sainteté ; & du Seigneur Comte Orthodely, Ambassadeur du grand Duc de Toscane en ce qu'il possède ; & en la presence des Seigneurs Ducs de Gufauto & Dalbignogne , les Marquis de Castelrodigo & de Villa franca , tous quatre du Conseil d'Etat de sa Majesté Catholique, du Duc de Duzede, de l'Admiral de Castille, du Duc de Magueds & Duc de Picquerode, du Duc Dalue, du Duc Cessac, Duc de Feria, Duc de Montalto, Duc de Villa-Harmosa, Duc de Varigues, de Dom Iouan Dey diaques, grand Commandeur de Leon, du Conseil d'Etat de sadite Majesté & President des Ordres, de Don Augustin le Messie aussi du Conseil d'Etat, & du Licentié Dom Dregalopes de Ayalla, aussi du Conseil d'Etat & grand Chambellan de sa Majesté, & de plusieurs autres Seigneurs & Cheualiers. Pardeuant moy Antoine de Arrostitiguy, Cheualier de l'Ordre de S. Iacques, Secretaire d'Etat, Escrivain & Notaire de sa Royale Majesté Catholique : Comparant l'excellentissime seigneur Don François de Saudeual, du li-

gnage de Rozas, Duc de Lerme, Marquis de Deuis, grand Commandeur de Castille du Conseil d'Etat de sa Majesté, & son Sommelier de corps, grand Elicuyer, Gouverneur & premier maistre d'Hostel de tres-hault & triomphant Philippes Prince d'Espagne, Capitaine general de la caualerie d'Espagne: Au nom & comme Procureur de tres-hault, tres-excellent, & tres-puissant Prince, Don Philippes III. de ce nom nostre Seigneur, par la grace de Dieu Roy de Castille, de Leon, d'Arragon, des deux Sicilles, de Ierusalem, du Portugal, de Nauarre, des Indes Orientales, & Occidentales, & Duc de Milan, &c. En vertu du pouuoir que ledit sieur Duc de Lerme & de sa majesté Catholique: Par breuet & provision, signees de sa Royale main, sceellees de son seal Royal, & contre-signees par moy susdit Secretaire royal, faict & passé à saint Laurens del'Escorial le 30. Iuillet audit an. Comme Roy, Pere & legitime administrateur de la serenissime Infante sa fille, & de la Majesté de la Roynie Marguerite sa legitime femme & espouse d'une part. Et d'autre-part, comparant l'excellentissime Seigneur Henry de Lorraine Duc de Mayen-

ne & d'Esguillon, Pair & grand Chambellan de France; Gouverneur & Lieutenant general pour sa Majesté Tres-Chrestienne en l'Isle de France : & avec luy pour l'assister, sont personnellement presens & comparans le sieur Vicomte de Puisieux, Conseiller d'Estat de sa Majesté Tres-chrestienne, Secretaire de ses commandemens & finances, grand Tresorier de ses Ordres, & sō Ambassadeur extraordinaire d'une part, expres pour cet effect vers sa Majesté Catholique, & le Seigneur Baron de Vaucelas Conseiller d'Estat de sa Majesté Tres-chrestienne! Pour & au nom du tres-hault, tres-excellent, & tres-puissant Prince Louys XIII. Par la grace de Dieu Roy Tres-Chrestien de France & de Nauarre; & de tres-haute, tres-excellente, & tres-puissante Dame Marie, Royne Tres-chrestienne de France & de Nauarre sa mere, Tutrice & Regente en ses Royaumes : En vertu de leurs pouuoirs qu'ils ont exhibez & representez escripts originaiement en langue Françoise, signez de leurs Royales mains, & scelees de leurs sceaux Royaux, donnez & octroyez en leur Royale ville de Paris. C'est à sçauoir celui du Roy Tres-chrestien

le 17. du mois de Iuillet de la presente an-
 nee, & celuy de ladite Royne Tres-chre-
 stienne du 19. desdits mois & an. Les origi-
 naux desquels pouuoirs dessusdicts demeu-
 rent par deuers moy present Secretaire d'E-
 stat, pour estre inferez consecutiuellement
 apres le present escrit. Ledit Duc de Ler-
 me au nom de sa Majesté Catholique, &
 lesdits sieurs Ducs de Mayenne, Vicomte
 de Pisieux, & Baron de Vaucelas, au nom
 de leurs Majestez, comme Roys Catholi-
 ques & Tres-chrestiennes, auxquels touche
 le bien de leurs Royaumes, & pour asseurer
 la paix de leurs Couronnes & de toute la
 Chrestienté, laquelle a esté obseruee depuis
 qu'elle fut concludë & arrestee entre la Ma-
 jesté Catholique du feu Roy Dom Philip-
 pes II. nostre Seigneur, & sa Majesté Tres-
 chrestienne, de defunct le Roy Henry IV.
 peres de leurs Majestez Catholiques & tres-
 chrestiennes, à present regnans, desirans
 qu'elle se perpetuë & continuë, non seule-
 ment durant la vie de leurs Majestez, mais
 aussi de celle de leurs descendans & succes-
 seurs : elles n'auroient estimé plus propre
 ny plus conuenable moyen que celuy des
 mariages, ny qui fust de plus grande efficace
 quand ils se peuuent accomplir par doubles,

& renforcez liens. Moyennant la grace de Dieu, à l'augmētation de son diuin seruice, & mesmes qu'à l'Infante, & avec la benediction de nostre tressainct Pere le Pape Paul V. & l'entremise aussi du grand Duc de Toscane : *Sont desia traitētes & accordees les Espousailles & Mariages du Serenissime Prince d'Espagne, Don Philippes, avec la Serenissime Isabelle sœur & fille aisnee de leurs Maiestez Tres-chrestiennes : Comme aussi du Roy Tres-Chrestien LOVYS XIII. avec la Serenissime Infante, Dame Anne, fille aisnee de sa Maiesté Catholique;* Afin qu'avec les nouveaux liens s'allient plus estroictement, & se confirme dauantage l'amour, l'amitié, & la fraternité qui est, & qu'on desire estre preseruez entre leurs Majestez, afin aussi qu'elles ressortissēt leur plein & entier effect. Les susdits seigneurs Commissaires és Noms cy dessus, en ce qui concerne le mariage du Roy tres-Chrestien avec la Serenissime Infante, Dame Anne, ont capitulé & consenty ce qui s'ensuit.

Qu'avec la grace & benediction de Dieu prealablement obtenuës, dispence de sa Saincteté, à raison des proximites & sanguinitez qui sont entre le Roy Tres-chrestien

lien & la serenissime Infante, si tost qu'elle aura atteint l'aage de douze ans accomplis, ils facent celebrer leurs espousailles & mariage par paroles de present, selon la forme & en la solemnité prescrite par les sacrez Canons & Constitutions de l'Eglise Catholique Apostolique & Romaine: Et se feront leldites espousailles & mariage en la Cour, Palais & maison de sa Majesté Catholique, où la serenissime Infante, Dame Anne, fait sa residence, & ce en vertu du pouuoir & commission du Roy Tres-chrestien, & comme il se fait, le Roy Tres-chrestien le ratifiera & accomplira en personne, quand la serenissime Infante, Dame Anne, sera amenee & arriuee en France, la Majesté se joignant avec son Altesse: & se fera ladicte solemnité des espousailles, soit par pouuoir special, ou en presence, quand le temps de l'accomplir sera concerté & arresté entre leurs Majestez.

Que la Maiestee Catholique promet et demeure obligee de donner, & donnera à la serenissime Infante, Dame Anne, en dot et en faueur de Mariage, avec le Roy Tres-Chrestien de France, et payera à sa Maiesté Tres-Chrestienne ou à celuy qui aura pouuoir et commission d'elle, la somme de cinq cents mil escus d'or de la vailleur de

seize realles la piece, et ce en la ville de Paris vn iour auant la celebration dudit mariage.

Que leurs Maiestez Tres-Chrestiennes s'obligeront d'asseurer ou asseureront le dot de la Serenissime Infante, Dame Anne, sur rentes bien asseurees et bonnes, et sur fonds et assignations valables, au contentement de sa Maiesté Catholique ou des personnes qu'elle nommera pour cet effect : et en cas de dissolution de mariage, en cas que de droict, la restitution du dot ayt lieu, elles le rendront à la serenissime Infante, ou à celuy qui aura charge de son Altesse : et pendant le temps qu'il courra qu'on ne luy rendra point sondit dot. Son Altesse ou ses heritiers et successeurs, iouyront du reuenu à quoy monteront leuids cinq cents mil escus à raison du dernier seize, qui seront payez en vertu de susdites assignations.

Que la serenissime Infante Dame Anne, se tiendra pour contente, et se contentera du susdit dot, sans que par-cy apres elle se puisse alleguer aucun sien autre droict, ny intenter aucune autre action ou demande, pretendans qu'il luy appartienne ou puisse appartenir autres plus grands biens, droicts, raisons et actions, pour cause des heritages et plus grandes successions de leurs Maie-

stez Catholiques ses peres, ny pour contemplation de leurs personnes pour consideration, en quelque autre maniere ou pour quelque cause & tiltre que ce soit, soit quelle le sceust, ou soit qu'elle l'ignorast? attendu que de quelque qualite & condition que lesdictes actions & choses cy dessus soient, elle pourrant ne laissera d'en faire la renonciation en bonne & deuë forme, & avec toutes les asseurances, formes & solemnitez qui y seront requises & necessaires: laquelle dicte renonciation elle fera auant que d'estre mariee par parole de present. Qu'elle aussi tost apres la celebration du mariage, approuuera & ratifiera conjointement avec le Roy Tres-chrestien, avec les mesmes formes & solemnitez qu'elle aura faite à la susdicte premiere renonciation: voire avec les clauses qu'ils verront estre les plus conuenables & necessaires à l'effect & accomplissement: de laquelle renonciation leurs Majestez demeureront & demeurent dès à present comme pour les obliger. Et au cas qu'elles ne facent ladite renonciation & ratification en vertu du present contract par capitulation, icelles susdites Traictez, Renonciation & Ratification, sont tenuës & censez dès à present, comme pour lors, pour bien & deuë-

ment faictes, passees & oütroyees. Ce qui se fera en la forme la plus authentique & efficace que faire ce pourra, pour estre bonnes & vallides, ensemble avec toutes les causes derogatoires des derogatoires, de quelconques Loix. Iurisdiction, Coustumes, Droicts & constitutions à ce contraires, ou qui empechassent du tout ou en partie lesdites renonciation & ratification, auxquelles à l'eff. & validité que dessus, leurs Majestez Catholiques & Tres-chrestiennes derogetont, & dès à present elles y derogent entierement: & pour l'approbation & ratification qu'elles feront de ce present contrect & capitulation, dès à present comme deslors, elles entendent & entendent auoir desrogé à toutes excessions cy-dessus. Que d'autant que leurs Majestez Catholiques & Thres-chrestiennes sont venus & viennent à faire leurs mariages, afin de tant plus perpetuer & asseurer par ce fort nœud et lien, la paix publique de la Chrestienté: et entre leurs Majestez l'amour & la fraternité que chacun esperent entre elles, et en contemplation aussi des iustes & legitimes causes, qui monstrent et persuadent l'egalité et conuenance desdicts mariages, par le moyen desquels et moy entrant la faueur et grace de Dieu, chacun en

peut esperer de tres-heureux succez , au grand bien & augmentation de la foy & religion Chrestienne , au bien & benefice commun des royaumes , subjects & vassaux aux deux couronnes , comme aussi par ce qui touche & importe au bien de la chose publique & conseruation d'icelle. Consideration & telle importance qu'il soit à craindre que les occasions qui se presentent de tels mariages ne fussent preuenus ou tollez: Doncques attendu la qualité des susdits & autres iustes raisons qui se pourroient dire ou alleguer: leurs Majestez accordent & arrestent par contract & pache conuentionnelle entre elles , qui sortira & aura lieu , force & vigueur de loy , ferme & stable à tout iamais , en faueur de leurs Royaumes & de toute la chose publique d'iceux. Que la Serenissime & Infante d'Espagne, Dame Anne, & les enfans procreez d'elle, soient males ou femelles , & leurs descendans, premiers ou seconds, trois ou quatriesme naiz , cy-apres en quelque degré qu'ils se puissent trouuer, voire à tout iamais ny puissent venir ny succeder és Royaumes, Estats, Seigneuries & dominations qui appartiennent & appartiendront à la Majesté Catholique , & qui sont compris au dessoubs des tiltres & qua-

litez mentionnez en ceste presente capitulation, ny en aucuns de ses plus grands Royaumes, Estats, Seigneuries, Prouinces, Isles adjacentes, Fiefs, Capitaineries, ny es frontieres que sa M^jesté Catholique possede de present, ou qui luy appartiennent ou pourront appartenir dedans & dehors le Royaume d'Espagne, qui par icy deuant leurs M^jestez Catholiques & leurs ascendants predecesseurs eurent, possederent, & leur appartindrent, ny en tous ceux qui sont compris en iceux ou dependant d'iceux, ny mesmes en tous ceux que par icy apres en quelque temps que ce soit, elle pourroit acquerir ny accroistre & adiouster aux susdicts siens Royaumes, Estats & dominations, ou qu'elle pourroit retirer ou qui leur pourroit escheoir par deuoluz ou par quelque autres tiltres, droict ou raison que ce soit ou puisse estre encores que ce fut durant la vie de la serenissime Infante. Dame Anne, ou apres sa mort, en celle de qui que ce soit de ses descendans premiers seconds ou troisieme nez, ou en quelque maniere qui puisse aduenir, ou que le cas ou les cas par lesquels ou par droict, ou par ses loix & coustumes desdits Royaumes, Estats et dominations, soit par dispositions du tiltre par lesquels ils puissent succeder

ou pretendre pouuoir succeder esdits Royaumes, Estats ou dominations, en tous lesquels suidits cas dès à present ladicte Dame Anne Infante, dict & declare estre & demeurer bien & deuëment excluse, ensemble tous ses enfans & descendans, males & femelles, encores qu'ils se voulussent ou peussent dire & pretendre qu'en leurs personnes ne courent ny ne se peuuent & doiuent considerer icelles raisons de nulle valeur de la chose publique, ny autres esquelles ladite exclusion se pourroit fonder, ou qu'ils voulussent alleguer (ce qu'à Dieu ne plaise) que la succession du Roy Catholique ou de ses serenissimes Princes & Infantes, & d'abondant des males qu'il a & pourra auoir pour ses legitimes successeurs, eust manqué & defaillly: parce que comme & en aucun cas ny aucun temps, ny en quelque maniere qu'il peust aduenir, elle ny eux ses hoirs & descendans n'ont à succeder ny pretendre pouuoir succeder, sans preiudicier auidites Loix, Coustumes, Ordonnances & dispositions, en vertu desquelles il a succédé en tous les Royaumes, Estats & seigneuries, que ce ne soit preiudicier aussi à toutes les loix des lieux & coustumes de la Couronne de France: lesquelles au preiudice des successeurs en icelle, n'empeschent

ceste susdite execution, aussi bien à present
 comme en temps & és cas qui different les-
 dites successions. A toutes lesquelles con-
 siderations ensemble, & à chacune en par-
 ticulier d'icelles, leurs Majestez desrogent
 en ce qu'elles contrarient ou empeschent le
 contenu en ce chapitre, ou l'accomplisse-
 ment & execution d'iceluy. Et que pour
 l'approbation & ratification de ceste pre-
 sente capitulation, elles y derogeront &
 desrogent, veulent & entendent que la se-
 renissime Infante & les descendans d'icelle,
 demeurent à l'aduenir & pour iamais excluz
 de pouuoir succeder en aucun temps ny en
 aucun cas és Estats du pays de Flandres,
 Comté de Bourgongne & de Charrollois
 leurs appartenances & dependances : les-
 quels pays & Estats furent donnez par sa
 Majesté Catholique, à la Serenissime Infan-
 te, Dame Isabelle, & qui doiuent retourner
 à sa Majesté Catholique, & à ses successeurs.
 Pareillement aussi ils declarent tres-expres-
 sement, qu'en cas que la Serenissime Infante
 demeurast veufue (ce qu'à Dieu ne plaise)
 sans enfans de ce mariage, qu'elle demeure-
 ra libre & franchie de ladite exclusion, &
 partant declaree personne capable de ses
 droicts, & de pouuoir succeder en tout ce
 qu'il luy pourra appartenir ou escheoir en
 deux

deux cas seulement: Si elle demeurant veſue de ce mariage, & ſans enfans, venant en Eſpagne; l'autre, ſi par raiſon d'Eſtat pour le bien public, & pour iuſtes cōſiderations elle ſe remarioit par la volonte du Roy Catholique ſon pere, ou du Prince des Eſpagnes ſon frere, eſquels deux cas elle demeurera capable & habile à pouuoir ſucceder & heriter.

Que ſi toſt que la Sereniſſime Infante, Dame Anne, aura accōply l'aage de douze ans, & auant que celebrer le mariage par paroles de preſent, elle dōnera, promettra, & octroyera ſon eſcript, par lequel elle s'obligera, tant pour elle que pour ſes ſucceſſeurs, à l'accompliſſement & obſeruation de tout ce que deſſus, & de ſon exclusion & de celle de ſes deſcendans, approuuant le tout ſelon comme il eſt contenu en ce preſent cōtract & capitulation, avec les clauses & iuremens neceſſaires & requis: & en iurāt ceſte preſente capitulation, & la ſuſdite obligation & ratification que ſon Alteſſe aura faite & donnee, elle en fera vne autre pareille & ſemblable avec le Roy Tres-chreſtien ſi toſt qu'elle ſera mariee & eſpouſee, laquelle ſera enregiſtree au Parlement de Paris ſelon ſa forme & teneur, cōme auſſi dēs à preſent ſa Maieſtē Catholique fera.

approuuer & ratifier ladite renonciation & ratification en la forme accoustumee, la fera aussi enregistrer en son Conseil d'Estat: & soit que leldites renonciations, ratifications, & approbations soient faictes & non faictes dès à present en vertu de ceste capitulation & present contract, & du mariage qui s'en ensuyura, & en contemplation de toutes les choses susdites, elles serōt tenuës & censées pour bien faictes, & deuëment octroyees & passees.

Que leurs Majestez Tres-chrestiennes donneront à la Serenissime Infante, Dame Anne, pour ses bagues & ioyaux, iusques à la valeur de 50. mil escus sol, lesquelles & toutes autres qu'elle portera avec elle, luy appartiēdront sans aucune difficulté, cōme estās biens de son patrimoine, qui appartiēdrōt à son Altesse & à ses heritiers & successeurs, ou à ceux qui aurōt sō droit & cause. Que leurs M. Tres-chrestiennes, suyuant l'ancienne & loüable coustume de la maison Royale de France, assignerōt & constitueront à la serenissime Infante, Dame Anne, pour son doüaire vingt mil escus d'or sol par chacun an, qui seront assignez sur reuenus & terres où y aura iustice. Dont le principal lieu aura tiltre de Duché, ou plus consecutiuelement, & iusques à la concurrence de ladicte somme de vingt mil

escus par chacun an, desquels lieux & terres ainsi donnees & assignees, ladicte Serenissime Infante iouïra par les mains & de son autorité ou de celles deses Commissaires & officiers avec la Iustice: Comme il a esté dict et dauantage à elle appartiendra la prouision de tous les offices vaccans. Comme ont accoustumé d'auoir les Royaumes de France, attendu neantmoins que lesdits offices ne pourront estre donnez qu'à naturels François. Comme aussi l'administration & les fermes desdits terres, conformément aux loix et coustume du Royaulme de France, de laquelle susdicte assignation ladicte Serenissime Infante, Dame Anne, entrera en possession et iouissance, si tost que la viduité aura lieu pour en iouir toute sa vie soit qu'elle demeure en France ou qu'elle se retire ailleurs et hors de France.

Que sa Majesté Tres-Chrestienne donnera et assignera à la Serenissime Infante, Dame, Anne, pour la despence de sa chambre et entretenement de son estat et de sa maison, somme conuenable et telle qu'appartient à fille et femme de tant de grands et puissans roys, la luy assignant en la forme & maniere qu'on a accoustumé en France de donner assignation pour tels entretenemens et despences.

Que la Serenissime Infante ayant accom-
 ply les douze ans de son aage, ils espouseront
 & mariront par Procureurs qu'enuoiera le
 Roy Tres-chrestien, & la Serenissime In-
 fante par parole de present; Ce qu'estant faict
 sa Majesté Catholique la fera mener à ses
 frais & despends, iusques à la frontiere du
 Royaume de France, avec l'autorité &
 appareil qui appartient à fille & femme de
 si grands & puissans Roys, dont avec le mes-
 me appareil elle sera aussi receuë & recueil-
 lié par le Roy Tres-chrestien.

Qu'en cas que le mariage se dissolüe &
 rompe entre la Majesté Tres-chrestienne &
 Serenissime Infante, Dame Anne, & que son
 Altesse suruiue sa Majesté Tres-chrestienne
 en ce cas elle s'en pourra retourner & reti-
 rer librement & sans aucun empeschemēt,
 és Royaumes d'Espagne, où és lieux &
 endroicts qu'elle choisira plus commode
 hors de France, toutesfois & quantes que
 bon luy semblera se retirer, elle le pourra a-
 vec tous les biens susdits, dot & doüaire ba-
 gues, & ioyaux, habits, & vestemens vais-
 selles, & argent, & tous aultres meubles
 quelconques, & avec ses officiers & serui-
 teurs, sans que pour aucune chose qui soit
 ou seroit suruenü on luy peüst donner em-
 peschement quelconque ny arrester son

depart directement ou indirectement, empêcher la iouïssance & recouurement de seldits dot & douaire, ny les assignations que l'on luy aura donnees ou deub donner: & pour cét effect la Majesté Tres-Chrestienne donnera à la Majesté Catholique, & à la serenissime Infante, Dame Anne, sa fille telles lettres & breuets de seureté qui seront nécessaires, signees de sa propre main, & de la Royne Tres-chrestienne Tutrice & Regēte du Royaume, & scellees de son sel, & dès à present: cōme deslors leurs Majestez Tres-chrestiennes le leur assurement & prometteront pour eux & leurs successeurs Roys, en foy de parolle de Roy.

Qu'attendu que le traicté & pour parlé à present, du mariage a esté desiré & puis concerté & promeu par nostre S. Pere, & par ses entremises acheminees en l'estat où il est à present: sera bien à propos de supplier sadite saincteté; Cōme dès à present leurs Majestez la supplient trouver bon, & auoir agreable d'en donner la benediction & interuenue de son autorité Apostolique, & ce present contract & capitulation la vouloit approuuer & inserer dans ses bulles, ensemble les approbations qu'en auroient faites leur Majesté & son Altesse: aussi avec les escritures & iurement qui sont donnees

& octroyez. Bref tout ce qui a esté fait & passé pour l'accomplissement & seureté d'iceluy.

Que leurs Majestez Catholiques & Tres-Chrestiennes approuueront & ratifieront ceste presente capitulation, prometttrōs sur la foy & parolle de roy, de la garder & accomplir inuiolablement, deliureront à cēt effect leurs breuers en la forme accoustumee, avec les derogatoires & quelconques loix, Iustices, & coustumes qui sont ou seroient à ce contraires, & estant raisonnable. Lesquels dicts Breuets de ratification de la presente escriture, ils bailleront & deliureront l'vn à l'autre respectiuelement dans deux mois, à compter du iour & de la datte de la presente & ce par le moyen des Ambassadeurs ordinaires residans és Cours de leurs Majestez Catholiques & Tres-chrestiennes.

Le tout ce que dessus lesdits sieurs Commissaires esdits noms promirent, consentirent et accorderent selon qu'il est contenu en la presente capitulation y ayans obligez leurs Majestez Catholiques et Tres-chrestienne, ensemble son Altesse avec l'obligation et le lien de leur foy, et parole de roy, qu'ils l'effectueroient et garderoient: commanderont qu'il soit gardé et accompli entierement sans qu'en tout ou en partie il y fail-

le ou manque chose quelconque, ny iro-
ny viendront au contraire: mesme consen-
tiront aller ny venir directement ou indire-
ctement, de quelque façon et maniere que
ce soit: car ainsi l'ont promis lesdicts Com-
missaires en vertu des pouuoirs qu'ils ont
de leurs Majestez, à quoy furent presens
lesdits denommez au commencement de
ceste capitulation, et lesdits Seigneurs pro-
mettans et octroyons ce que dessus l'ont
signé de leurs mains et de leurs noms, et me
requièrent de toute ceste capitulation, ie leur
en baillasse coppie, et de toutes celles qui
seront traduiçtes et translatees qui leurs se-
ront necessaires. Ainsi signé, des deux
costez.

Le Duc de Lorme. Henry de Lorraine.
Marquis de Denia. Brulard.
André de Coisefilles.

*Fait & passé pardenant moy le Secretaire cy-
dessus, Notaire public, les an & iour susdits: Ainsi
signé*

A N T O I N E A R E S T I G N Y.

